



UNIVERSITÄTS-
BIBLIOTHEK
PADERBORN

**Antonii Mvsae Brasavoli Medici Ferrariensis Examen
omnium Trochiscorum Vnguentorum, Ceratorum,
Emplastrorum, Cataplasmatumque, & Collyriorum**

Brasavola, Antonio Musa

Venetiis, MDLI

Ceratum Isis. .15.

[urn:nbn:de:hbz:466:1-70720](https://nbn-resolving.org/urn:nbn:de:hbz:466:1-70720)

CERATORVM EXAMEN

SENE X.

XV.

Istis ceratum suam sedem hic habet. BRAS. Est ne
apud pharmacopolas in usu? SE. Diu est quod il-
lud conficio ac seruo. BRAS. ac quonam modo i-
psum conficis? SE. Isto.

Recipe ceræ. unc. C.

Terebenthinæ. unc. CC.

Squamæ aris,

Aristolochiæ rotundæ,

Thuris,

Salis ammoniaci,

Serpentariæ,

Aeris usti,

Aeruginis rasilis,

Singulorum drach. viij.

Aluminis usti, drach. vi.

Myrrhæ,

Aloes lotæ,

Galbani,

Singu. drach. xij.

Olei antiqui. unc. viij.

Aceti acerrimi. unc. xvij.

Confice ceratum secundum artem, subinde mani-
bus longo tpe emollias, manusque acerrimo aceto ma-

F iij

ANT. MUSAE BRASA.

descant: denique in uas aeneum fundatur, ad ususq; ser-
uetur. nonnulli Terebenthinam apponunt, ut dictum
est. alij Terebēthinæ loco colophoniam. BRAS. Cum
ceratum istud à nullo sit positum recente, quomodo in
ipsius cognitionem deuenisti? SE. Tibi referam, quo
modo in ipsius cognitionem deuenierim. Nobilis qui-
dam capite uulneratus multos acciuit medicos, ut in sa-
nitatē restitueretur, inter quos aderat Excellētissimus
Nicolaus Leonicens, q; oibus persuasit, ut isis cera-
tum conficeretur, itaque me docuit quomodo esset con-
ficiendum, ut tibi retuli: deinceps eiuscemodi ceratum
semper seruaui. BRAS. Superuixit ne ille in cuius
gratiam ceratum hoc confecisti? SE. Obijt, at ob
quid ita interrogas? BRAS. Quia rarissime uidi
illos superuixisse, quibus applicatum fuit. Huius uero
causam esse arbitror, quia nunquam nisi in ultima de-
speratione adhibetur: & nunquam adhiberi uidi nisi in
extremo. SE. Non ne hoc est Galeni ceratum?
BRAS. Non Galeni, sed a Galeno refertur in quar-
to de compositione medicamentorum secundum genera,
ubi inscriptio est isis cephalica ad chironia & difficilia,
est item cruentis idoneum, unde Græci ἐναιμων appel-
lant, eius uero compositio apud Galenū ita constat.

Recipe cere denarium pondo centum.

Resinæ Colophonniacæ denarium pondo. CC.

Gutte ammoniaci,

Squamme eris,

CERATORVM EXAMEN

Thuris combusti,	}	Sin. denariū pōdo. viij.
Aristolochiæ tenuis,		
Aeruginis,		
Salis ammoniaci,		

Chalbani,	}	Sin. pōlo denariū. xij.
Mannæ,		
Myrrhæ,		
Aloes,		

Aluminis rotundi denarium pondo sex.

Olei ueteris heminam,

Aceti quantum sufficit, præparato acutitor, in
 terim mero, interim diluto medicamine. S E. Non mul-
 tum interest inter hoc Galeni, & illud à me relatam.
 B R A S. Non est magna prorsus differentia præter-
 quam in ponderum nominibus: & quia tu Terebenthi-
 nam recipis, Galenus uero resinam, colophoniam,
 quanquam tu ipse hoc animaduertes. præterea tu po-
 nis aceti, unc. xvij. Galenus uero ponit quantum satis
 est: in reliquis non adest magna differentia. Paulus loco
 aluminis usti, alumen sciscile ponit. S E. Sūt ne alij qui
 alio utantur iside? B R A S. Nulli quos sciuerim,
 & cum isis parari debet, cephalicum hoc paratur, non
 tamen hoc dico, quin nouerim adesse & emplastrum
 isis apud Galenum in eodem libro, ubi inscriptio est,
 isis uocatum emplastrum giluum, quod ad fluentia, diu-
 turna, maligna ualet, ac uix curabilia maxime in parti

ANT. M V S A E B R A S A.

bus extremis. S E. Emplastrum hoc referre ne pige
at. B R A S. Ita conficiendum monet Galenus.

Recipe argenti spumæ denarium pondo. C.
Minij sinopici denarium pondo. viij.

Diphrygis,	_____	} Sing. denariū pondo. i. } Aliter quatuor. }.
Cera,	_____	
Chalcitidis combustæ,	_____	

Chalcitidis crudæ denarium pondo duum,
Olei heminas duas.

Argenti spuma & oleum coquantur, dum ite-
rum ac tertio efferuescant: hoc facto aquæ modicum di-
gitis instillatur, mox diphryges, chalcitis, testa leuis
facta inspergitur sub manu aquam instillando, donec
non amplius medicamen inter coquendum strepat, ubi
constiterit, ceram indito, sint autem chalcitis cruda, &
minium ex oleo modico contrita, cum bene habet phar-
macum, hæc immittito, continuo moueas. his rite pera-
ctis in pilam conijcito, ac rursus condito, subiigitoq;
excipiens utitor. sunt tamen & apud Galenū in uno eo-
dem libro multæ compositiones sub nomine Isis, &
adeest Isis uiride in loco superius citato: at cum cerata
non sint, ad hunc locum non spectant. tu interim alia
ceratorum genera prosequaris. S E. In publicis officii-
nis alia non fiunt ab his quæ enarrauimus, nisi quispiam
particularis medicus sibi genus unū aut alterū cōfici ius

CERATORVM EXAMEN

beat: at uniuersalia genera illa sunt quæ adduximus.

BRAS. Cerata igitur quæ in usu sunt, pauca esse constat. SE. immo paucissima, quoniam neque alij pharmacopole omnia conficiunt, sed nonnulli aliqua, alij alia, non tamen extra narrata. BRAS. Quid nobis amplius agendum superest? SE. Plura adhuc super sunt considerata. BRAS. Quæ nam? SE. Vniū est, emplastra in examen ducere. BRAS. Id ut libet, fiet, modo sinas me paululum spatari, nam sentio iam mea membra præ nimia quiete stupefcere.

SE. Id citius quàm fieri possit agas, ut coeptum laborem finiamus. BRAS.

Iam surgo & ad spatandum accingor.

FINIS.

Chartarum series

A B C D E F .